

De Lederversammlung van de Klootscheter-un Boßelverein „Bahn free Grootheid“e. V. hett in de Sitzung van 29.04.2018 disse Satzung besloten.

Ut Grünnen van beter Leesbaarheid word up de gliektiedig Verwendung männlich un weiblich Spraakförmis verzicht. All Personenbeteken gellen för beiderlei Geschlecht.

### **§ 1 - Naam, Sitz, Geschäftsjahr**

De an 17. Februar 1929 gründt Klootscheter- un Boßelverein föhrt de Naam „Bahn free“ Grootheid un hett sien Sitz in Grootheid, van de Gemeent Grootheid. He is bi dat Vereinsregister van dat Amtsgericht Auerk indragen.

De Verein is konfessionell, weltbekiekend, rassisch un politisch neutral.

De Verein verfolgt blot gemeinnützig Saken i. S. d. Ofschnitt „Stüürbegünstigt Saken“ van de Ofgavenörrung.

Dat Geschäftsjahr löppt van 01. Januar bit 31. Dezember van elker Jahr.

### **§ 2 - Upgaven un Gemeennützigkeit**

Sinn van de Verein is de Förderung van Sport, besünners dat urold Heimatspill van de Fresen, dat Klootscheten un Boßeln un de Förderung an de Heimatpleeg.

De Satzungssinn word besünners dör Veranstaltungen van Übungs- un Priesscheten as ok dat Utdragen van Scheten tegen anner Vereins seker stellt. Daarbi bekennt sük de Verein as Amateuren bi de Sport. Dat Utbilden van jugendlich Leden is en besünner Upgaav.

De Heimatpleeg umfaat besünners de Förderung un dat Uprechthollen van uns plattdütsk Spraak. Dat wiest sük unner annern mit Proten van uns Plattdütsk Spraak bi all Veranstalten van de Verein.

De Vörsitters un all Leden sölen Plattdütsk proten. Satzung sall in hoch-un plattdütsk schreven wesen un de Unnerstützung van all verantwortlich Leden hebben. Um dat sall sük ok de, in de Satzung bekannt geven Plattdütskbeupdragte, kümmern.

De Verein is ehrenamtlich an't Warken un sall neet up Profit ut wesen.

Middels van de Verein düren blot för satzungsmäßig Saken nützt worden. De Leden kriegen keen Togaven van de Verein. Nüms dürt dör hoge Togaven begünstigt worden.

### **§ 3 - Toghörigkeit in anner Organisationen**

De Verein is Lidd van de Kreisklootscheterverband Nörden un somit de Landesklootscheterverband Oostfreesland un daarom ok de Freeske Klootscheterverband ansloten.

Siet 01.01.1964 is de Verein butendem de Kreissportbund Auerk un daarmee ok de Landessportbund Nedersassen as Lidd bitreden.

## **§ 4 - Rechtsgrundlagen**

De Rechten un Plichten van de Leden as ok van all Organen van de Verein worden dör disse Satzung regelt. För Striedigkeiten, de ut Togerörigkeit to de Verein un all daarmit in Tosamenhang stahend Fragen entstahn, is de ördentliche Rechtsweg eerst tolaten, nadem dat Ehrengericht as Schiedsgericht entscheden hett.

## **§ 5 - Wo kann ik d'r Tohören**

De Togehörigkeit to de Verein kann jede normaal Minsk dör en Andrag stellen, umdat he sük dör Beachtung van disse Satzung mit sien Unnerschritft bekennt. För Minnerjahren hanneln de Ollen un geven hör Tostimmen. Minnerjähig Leden worden mit hör Vulljährigkeit automatisch as vulljährig Leden in de Verein wiederföhrt un betahlen Bidrag. Dat Lidd word daarover rechtiedig van de Verein informeert.

Over de Upnahmndrag in de Verein entschedt de Vörstand. De Upnahm kann ahn Angave van Gründen verseggt worden.

## **§ 6 - Ehrenlidd un Ehrenvörsitters**

Leden, de dat 65. Levensjahr vullend hebben un mindestens 25 Jahr to de Verein hören, können to Ehrenlidd benöömt worden. Butendem kann de Ledenversammlung um dat Vereinsleven besünners verdeent Leden to Ehrenleden benömen. Ehrenleden, de vördem Vörsitter van de Verein weren, worden as Ehrenvörsitters betekend.

För Ehrenleden un Ehrenvörsitters gellen de sülvige Rechten und Plichten. Ehrenleden un Ehrenvörsitters sünd van de Bidragspflicht free.

## **§ 7 - Utgahn ut de Verein**

De Togehörigkeit to de Verein word beend

- a. dör Dood van de Lidd;
- b. dör Utgahn mit en schriftlich Verklaren tegenover de Vörstand unner Inhollen van en Kündidungstied van 1 Maant, för de Sluss van en Geschäftshalvjahr;
- c. dör Utsluß. En Utsluß van Leden word van de Vörstand up Grundlaag van en Besluten van dat Ehrengericht döorföhrt. Gründen för de Utsluß können groff Verstöten tegen de Satzung, en Verhollen wat de Verein schaadt un dat Nichtbetahlen van Bidrag na tweemaalig Mahnen, worden.

En utscheden Lidd verlüst all Anrechten an de Verein.

## **§ 8 - Bidragspflicht**

Bidragspflichtig is jede Lidd. Over de Höcht van de Jahrsbidrag entschett de Ledenversammlung.

## **§ 9 - Rechten van Leden**

De Vereinsleden hebben besünners dat Recht

- a. an Beraden un Besluten bi Versammlungen deel to nemmen. Berechtig sünd blot Leden over 16 Jahr.
- b. de Inrichtungen na Vörgaven in Anspruch tonehmen;
- c. an Spöölbedriev un an all anner Veranstaltungen deeltonehmen.

## **§ 10 - Pflichten van Leden**

De Leden sünd besünners verpflichtet

- a. Satzungen un Örnungen van de Verein to befolgen un natokamen wat de Ledenversammlung besloten hett;
- b. neet tegen de Intressen van de Verein to hanneln;
- c. up de Ledenversammlung fastlegt Bidrag to betahlen;
- d. an all sportlich Veranstaltungen na Mögelkeit deeltonehmen un to helpen;
- e. well Rechtsangelegenheiten to anner Leden of de na §3 nöömt Vereinigungen klären laten will, mutt sük daaran hollen wat dat Ehrengericht oder na de Satzung, oder de na § 3 nöömt Vereinigungen un de hör Sportgerichten besloten hebben, hollen. De normaal Rechtsweg is in Tosamenhang mit de Sportbedriev utslaten.
- f. Vörgaven respekteren, de de Vörstand of dat Ehrengericht truffen hett.

## **§ 11 - Organe van de Verein**

Organe van de Verein sünd

- a. de Ledenversammlung
- b. de geschäftsförend Vörstand
- c. de daartokamende Vörstand
- d. dat Ehrengericht

## **§ 12 - Ledenversammlung**

De Ledenversammlung sett sük ut all Leden tosamen. De word vereinsöpentlich dörföhrt. All Leden over 16 Jahr hebben een Stimm.

De Ledenversammlung findt mindestens eenmaal jährlichs to Enn van en Geschäftsjahr as „Jahreshauptversammlung“ statt.

En besünner Ledenversammlung is binnen 2 Maant otohollen, wenn van 1/5 van de stimmberechtigt Leden en begrünnt Andrag up Inberopen stellt word.

Butendem kann de Vörstand na Geschäftslaag to Ledenversammlungen inberopen. Förm van Inberopen un Aart van Bekanntmaken richten sük na de Bestimmungen van disse Satzung.

Dat Inberopen to de Versammlung, hett de Vörstand mindestens 14 Daag vör de Versammlungstermin, mit Bekanntgeven van de Ofloop to maken. Dat Bekanntmaken van de Inladung un de Ofloop van de Versammlung mutt up Internetsied van de Verein to sehn wesen.

Andragen to de Ofloop sünd mindestens 7 Daag vör de Versammlung bi de Vörstand schriftlich to maken. Wenn daardör Veränderungen in de Ofloop kamen, sünd de 5 Daag vördem in Internet bekannt to maken.

### **§ 13 - Upgaven van de Ledenversammlung**

De Ledenversammlung is dat boverste Organ un kann wat besluten in all Angelegenheiten van de Verein, wenn neet anner Organe dat Recht tospraken worden is.

Disse Upgaven hebben de Leden in de Versammlung to besluten.

- a. Wahl van de Vörstand un de tokamend Vörstand all 2 Jahr;
- b. Entlastung van de letzt Vörstand;
- c. Fastsetten van Bidrag;
- d. Wahl van 2 Rekennakiekers;
- e. Wahl un Fastlegen van Upgaven in de eenzelt Gruppen van de Verein;
- f. Wahl van Leden för dat Ehrengericht;
- g. Toseggen van Ehrenlidd as ok Ehrenvörsitter;
- h. Toseggen van In- of Uttreden to anner Inrichtungen of Verbänden;
- i. Satzungsänderungen;
- j. Uplösen van de Verein.

De Ledenversammlung sett sük ut all deelnehmend Leden tosamen.

De Ledenversammlung hett dat Recht, over all Angelegenheiten van de Verein to besluten. Stimmberechtigt is jeder Lidd over 16 Jahr.

De Ledenversammlung dürt besluten, wenn se ordnungsgemäß inberopen worden is. Se beslutt mit einfach Mehrheit. Bi Stimmengliekheit gelt en Andrag as oflehnt. De Ofstimmung kann dör Handteken geven worden. En geheim Ofstimmung mutt folgen, wenn een Lidd van de Versammlung dat wünskt.

En dreeviertel Mehrheit mutt wesen van all anwesend Leden bi:

- Satzungsänderungen
- Benömen van Ehrenvörsitters un Ehrenleden
- Uplösen van de Verein

## § 14 - De geschäftsführend Vorstand

De geschäftsführend Vorstand föhrt de Geschäften van de Verein na de Bestimmungen van de Satzung un de Örnungen, as ok de van de Ledenversammlung un de togehörend Vorstand beslaten Saken. He vertrett de Verein un overwacht dat Doon van de eenzelt Gruppen un Beupdragten. He giff de Ledenversammlung Bescheed.

To de geschäftsführend Vorstand hören:

- a. de 1., 2. un de 3. Vörsitter
- b. de Schriftföhrer un Kassenwart, waarbi de Schriftföhrer un Kassenwart eens wesen können

Vorstand in de Sinn van §26 BGB (rechtsgeschäftliche Vertretung):

- a. de Vorstand van de Verein in de Sinn van §26 BGB sünd de 1. un de 2. Vörsitter un de Schriftföhrer un Kassenwart
- b. de 1. un de 2. Vörsitter of een van de beiden mit de Schriftföhrer of de Kassenwart vertreden de Verein luut §26 BGB gerichtlich un butengerichtlich mitnanner.

De Vorstand kann besluten bi Anwesenheit van mindestens 3 van sien stimmberechtigt Leden. Falls een Person twee, of mehr Vorstandsfunktionen vertrett, besitt disse blot een Stimm. De geschäftsführend Vorstand kann Leden van de togehörend Vorstand to sien Sitzungen inladen. De denn anwesend Leden besitten aver keen Stimmrecht.

De Leden van de Vereinsvorstand worden all twee Jahr van de Ledenversammlung wählt. En Weerwahl is mögelk.

De Schriftföhrer schrifft dat Versammlungsprotokoll un föhrt dat Vereins – Archiv.

De geschäftsführend Vorstand beslutt en Geschäftsörnung för de Geschäftsföhrer van de Verein.

## § 15 - De togehörend Vorstand

De togehören Vorstand sett sük tosamen ut:

- a. de geschäftsführend Vorstand na §14 van disse Satzung un de eenzelt Beupdragten:
  - I. Klootscheterwart
  - II. Boßelwart
  - III. Froolüüwart
  - IV. Jugendwart
  - V. Pressewart
  - VI. Gereedskuppwart
  - VII. Beupdragte för plattdütsk Spraak
  - VIII. Utschußvörsitters van eenzelt Utschussen luut Geschäftsörnung.
- b. anner Personen können – na Notwendigkeit - to de Sitzungen van van de togehörend Vorstand, van de Vörsitter inladen worden. Disse sünd aver neet stimmberechtigt.
- c. de togehörend Vorstand dürt besluten, wenn mindestens de Hälft van de Leden daar sünd. He beslutt mit Stimmenmehrheit van de Leden. Bi Stimmengliekheit enschett de Ledenversammlung.

## **§ 16 - Upgaven van de togehörend Vörsand**

De Hauptupgaav van de togerörend Vörsand besteht daarin, de Vereinsvörsand to unnerstützen.

In Twiefelsfall bestimmt de Vörsand to de vörliggend Fall, welke Upgaven de togehörend Vörsand towesen word, oder de Ledenversammlung to Beraden un to Besluten towesen worden sölen.

## **§ 17 - Ehrengericht**

Dat Ehrengericht besteht ut een Vörsitter un twee Bisitters. Vörsitter un Bisitter düren keen anner Amt in de Vörsand van de Verein hebben un sölen na Mögelkeit aver 40 Jahr wesen. Se worden van de Ledenversammlung up de Düür van sess Jahr wählt. Weerwahl dürt wesen.

Dat Ehrengericht enschett aver Striedigkeiten un Satzungsverstöten in de Verein. Richtungs-wiesend is de Ehrenörmung van de Freeske Klootscheterverband. Bi Vereinsutsluten gelt §7c.

## **§ 18 - Utschusse**

Dat Bilden van Utschusse regelt de Geschäftsörmung.

## **§ 19 - Kassnakeikers**

De Kass van de Verein word to Enn van dat Geschäftsjahr nakeken. De Tostännigkeit för dat Nakieken regelt de Ledenversammlung.

## **§ 20 - Entlastung**

En Lidd, de dör de Beslutenfassung entlast, of van sien Verpflichtung befreit, of mit de en Rechtsgeschäft ofsloten worden sall, hett keen Stimmrecht.

## **§ 21 - Ofstimmen un Wahlen**

All Amenten in de Verein worden dör direkt Wahlen up de Düür van twee Jahr vergeven, sowiet de Satzung, de Geschäftsörmung of hör Örnungen neet besünner Bestimmungen vörsehn. De gewählt Leden blieven bit to Neeiwahlen up de nächst Ledenversammlung in't Amt.

De Wahl ofwesend Leden is mögelk, wenn hör Inverständnis de Vörsand van de Verein to Annahm an de Wahl vörliggt.

All Besluten worden mit einfach Stimmenmehrheit van de anwesend Stimmberechtigten faat, wenn disse Satzung keen anner Mehrheit vörsücht. Bi Stimmengliekheit gelt en Andrag as oflehnt. Dat Ofstimmen gelt öpentlich dör Handuptillen. En Ofstimmung mutt geheim dörföhrt worden, wenn een Lidd van de Versammlung dat verlangt.

Bi dat Faststellen van dat Stimmenverhältnis worden blot de gültig ofgeven Stimmen tellt; Stimmenthollen un ungültig Stimmen blieven butenvör. Bi Stimmengliekheit gelt en Andrag as oflehnt.

För jede to vergevend Posten is en besünner Wahlgang vorschreven. Wählt is, well mehr as de Hälft van de ofgeven Stimmen kregen hett. Wenn keen Kandidat in de eerste Wahlgang de nötig Mehrheit hett, so word en Stichwahl tüschen de beid Kandidaten dörföhrt de de meest Stimmen hebben. In disse Fall is de Kandidat wählt de de meest Stimmen kriggt. Bi Stimmengliekheit in't Stichwahl entschett dat Los.

## **§ 22 - Uplösen van de Verein**

Bi Uplösen of Upheven van de Verein of bi Wegfall van sien Zweck fällt dat Vermögen van de Verein an de Landessportbund Nedersassen e.V., de dat glik, un bloßig för gemeennützig Zwecken, verwenden dürt.

Disse Satzung van de Klootscheter-un Boßelverein „Bahn free“Grootheid is van de Ledenversammlung an 29.04.2018 beslaten un in Kraft sett worden. Gliektiedig tritt de, in de Ledenversammlung van 24.06.1988 buten Kraft.

De Ledenversammlung seggt de Vörstand de Satzungsänderungen selbständig vörtonehmen to, wenn Inwendungen van dat Registeramt of van dat Finanzamt notwendig sünd. De Vörstand hett de textlich Änderungen mit einstimmig Mehrheit to besluten. In de nafolgend Ledenversammlung is de Änderung bekannt to geven.

Grootheid de 29.04.2018